

Vuk Hamović, predsjednik kompanije EFT, na Sarajevo Biznis Forumu je rekao kako je energija i energetske izvori i ulaganje u proizvodnju u ovom dijelu svijeta neophodni za dalji razvoj ekonomija.

O EFT grupaciji je rekao: "Mi smo registrovan holding i bavimo se visokim naponom u veleprodaji, kupovinom i prodajom energetike. Investiranje u sektor energetike je vrlo zahtjevno i 30 posto vlastitim investicijama treba pokriti".

O važnosti energetske strategije je kazao: "Iz ugla investitora, pored pitanja ekonomske opravdanosti, uvijek je značajno pitanje rizika, ili pravne i političke sigurnosti. Pravna i politička sigurnost BiH se može gradirati ispod Švicarske ali je po našem mišljenju to okruženje koje je dovoljno atraktivno i sigurno da se može investirati. Naprimjer, najveće rezerve uglja, lignita, u Evropi ima na Kosovu i to ne samo količinski nego i komercijalno su atraktivne. Pravna i politička situacija je takva da ne vidimo tamo investitora zbog pitanja rizika. Mi se još ne osuđujemo da razmatramo ozbiljne investicije tamo. No, što se tiče BiH, ovdje nije prevelik rizik za investiranje".

Komentarisaio je i brigu za okoliš: "Tu ima jedan problem a tiče se toga da kada bismo svi proizvodili struju po prijateljskim principima, onda ne bi bilo dovoljno struje, jer šta da se radi kada nema sunca ni vjetra - kako naći pravilan balans u tom smislu. Drugi problem tog principa proizvodnje struje iz obnovljivih izvora je taj što je i najskuplji. Što se tiče BiH, i ona je dio Evrope i treba da slijedi evropska pravila kada je u pitanju briga za okoliš. Navest ću primjer elektrane u Stanarima - bez obzira što su tada kada smo počeli za izgradnjom pravila bila blaža, mi smo je izgradili po evropskim pravilima i ona zagađuje također ali je u okvirima evropskih direktiva".

Naglasio je i kako u termoelektrani Stanari zapošljavaju 600 ljudi, što će narasti do 1.000 početkom rada elektrane.